

Dragi prijatelji/ce,

Pred vama se nalazi **januarsko** izdanje mjesečnog informativnog biltena Omladinskog resursnog centra (ORC) Tuzla i Omladinske mreže Bosne i Hercegovine koja za sada broji **177** organizacija i **112** pojedinaca iz **73** mjesta BiH.

Bilten izlazi na bosanskom-srpskom-hrvatskom i engleskom jeziku. U njemu se nalaze informacije o aktivnostima Omladinskog resursnog centra (ORC) Tuzla, te Omladinske mreže Bosne i Hercegovine, informacije o mjesečnim aktivnostima omladinskih organizacija i grupa - članica ove mreže, njihovi planovi za naredni period, te ostale korisne informacije (donatori, pozivi na konferencije i seminare, školarine stipendije i sl.).



Ukoliko želite da budete na mailing listi za naredna izdanja mjesečnog informativnog biltena ili ako imate pitanja ili sugestije, javite nam se. Mjesečni informativni bilten, kao i arhivu dosadašnjih izdanja možete naći i na web stranici Omladinske mreže Bosne i Hercegovine:

<http://www.omladina-bih.net>

**Uživajte u čitanju!!**

## SADRŽAJ

<b>Aktivnosti u januaru 2015.</b>	.....	<b>2</b>
<b>Planovi za februar 2015.</b>	.....	<b>4</b>
<b>Aktivnosti dijela članica mreže</b>	.....	<b>5</b>
<b>Novi članovi</b>	.....	<b>15</b>
<b>Informacije / donatori / pozivi</b>	.....	<b>16</b>

Dragi čitaoci/čitateljice,

Predstavljamo vam 188. januarsko izdanje mjesečnog informativnog biltena Omladinske mreže u BiH i Omladinskog resursnog centra (ORC) Tuzla – prvo u ovoj godini. Možemo da se pohvalimo da naš bilten izlazi u kontinuitetu već više od 17 godina, a počeli smo sa izradom i slanjem još tokom 1998. godine.

Koristimo se prilikom da se zahvalimo svima vama koji ste nas tokom ovih 17 godina podržavali, hvalili, savjetovali, kritikovali, informisali. Naravno, naše najveće zahvale idu najaktivnijim organizacijama i pojedincima mreže koji su učestvovali i dalje učestvuju u stvaranju i kreiranju naših izdanja, šaljući nam svakog mjeseca informacije o radu organizacija, pozive za zajedničke aktivnosti, saradnju i sl. O njihovom radu, redovnim i povremenim aktivnostima čitajte na sljedećim stranicama.

Zahvaljujemo se i BH Telecom-u, koji nas zbog toga što bilten mjesečno šaljem na preko 5.000 e-mail adresa redovno prijavljuje kao „spamera“ i blokira. I to nam isto tako daje podstrek da nastavimo redovno slati naše vijesti.



U našem radu ohrabruje nas činjenica da smo čitani, ne samo u BiH i regionu već i šire. Kao potvrda da se čitamo i izvan našeg okruženja su i poruke koje dobijamo iz nama dalekih i „egzotičnih“ zemalja – između ostalih i: **Ayaho OKI** iz Japana, **Sun Young Kim**, International Peace Youth Group Južna Koreja i **Mohamed Fahmi**, Maroko.

Sva vaša podrška, informacije, savjeti, molbe, komentari i kritike su nam motivacija da nastavimo raditi na informisanju i ubuduće. Hvala!



## AKTIVNOSTI ORC/ hCa u JANUARU 2015.

Januarsko zatišje iskoristili smo za reorganizaciju osoblja, preraspodjelu obaveza i projektnih aktivnosti unutar kancelarije, završavanje izvještaja za prošlu godinu, te pripremanje aktivnosti u narednoj godini.

Od planiranih aktivnosti za naredni period izdvajamo:

- Nastavak koordinacije Anna Lindh mreže BiH (ALF BIH) tokom faze IV, koja traje od 2015. – 2017. godine;
- Druga faza projekta „Prekogranična građanska mreža za mir, pomirenje i sigurnost ljudi na Balkanu“, koja traje do kraja novembra 2016. godine;
- Nastavak rada na osnaživanju, aktivnostima i programima Omladinske grupe Omladinskog resursnog centra (OGORC) Tuzla.



## Prekogračnična građanska mreža za mir, pomirenje i sigurnost ljudi na Balkanu

Pojekat je podržan je od strane Evropske Unije, u okviru instrumenata za predpristupnu podršku (IPA) i jačanja civilnog društva (CFP). Nosilac ovog projekta je hCa Istanbul, Turska, a partneri su: SeConS – Development Initiative Group Beograd, Asocijacija za demokratski prosperitet ZID Podgorica, Institut za regionalne i međunarodne studije Sofija, Centar za istraživanje, dokumentaciju i publikovanje Priština i Omladinski resursni centar Tuzla. Projekat traje od 1. decembra 2012. do 30. novembra 2016. godine.

U okviru ovog projekta je u Istanbulu, Turska, u periodu od 23. do 26. januara održana druga međunarodna konferencija „**Citizenhip & Human Security**“. Konferenciju su organizovali Helsinški parlament građana (hCa) Turska i Evropski institut – istraživački centar za ljudska prava Istanbul Bilgi Univerziteta.

Konferencija na kojoj je učestvovalo preko 100 učesnika iz različitih sfera života, preko nevladinih organizacija, fakulteta i univerziteta, do predstavnika stakeholdera i vladinih institucija sa područja Turske i balkanskih zemalja, bila je mjesto za otvorenu diskusiju o tome šta smo uradili i naučili u proteklom dvogodišnjem periodu u okviru različitih dimenzija ljudske sigurnosti.



Program konferencije je uključivao različite sesije na teme:

“globalizacija, državni suverenitet, državljanstvo”, “osnove ljudske (ne) sigurnosti”; diskursi i politike “javnog reda i sigurnosti”, “zahrđalost” društvenih politika i (ne)povjerenje u javni sistem”; “dimenzija etniciteta u tenzijama/konfliktima između izbjeglica/migranata i lokalnih zajednica”; i “nove dimenzije i prakse državljanstva.

Sve sesije i diskusije poslužile su kao interaktivni forum za razmjenu mišljenja o važnim aspektima i segmentima ljudske sigurnosti.

Učesnici konferencije iz BiH bili su: Jasmin Jašarević i Gorana Planinčić – PRONI Brčko i Bijeljina, Jelena Babić i Aleksandar Žolja – hCa Banja Luka i Miralem Tursinović i Boško Vlajić – ORC Tuzla.

## Omladinska grupa ORC Tuzla

Kao i prethodne godine Omladinska grupa ORC Tuzla u toku januara i februara pravi pauzu sa radom zbog ispitnih obaveza koje imaju na fakultetu. U toku mjeseca januara održan je samo jedan sastanak na kojem je grupa planirala aktivnosti za period nakon pauze.

Također, u toku mjeseca januara grupa je dobila i 3 nova člana: Ivana Šuster, Adi Selman i Vedran Mitrić.

## Omladinska razmjena studenata u Bazelu - Švicarska

Od 26. do 30. januara organizovana je posjeta studenata Edukacijsko rehabilitacijskog fakulteta studentima Univerziteta u Bazelu. Cilj razmjene jeste razmjena iskustva, rad na zajedničkim projektima i upoznavanje sistema obrazovanja u Švicarskoj.

Tokom boravka u Basselu studenti su slušali predavanja na temu projekt menadžmenta. Profesori koji su angažirani na ovoj razmjeni jesu Barbara Schurch, Meliha Bijedić i Lejla Kuralić-Čišić. Nakon povratka u Tuzlu studenti nastavljaju raditi na zajedničkim projektima.

Predstavnik naše grupe bila je koordinatorica tima za saradnju, Merita Sokoli.



## REDOVNE AKTIVNOSTI:

Tokom januara smo u sklopu naših redovnih aktivnosti radili na održavanju i razvoju komunikacija i koordinacije unutar Omladinske mreže Bosne i Hercegovine ([www.omladina-bih.net](http://www.omladina-bih.net)). U okviru toga smo svakodnevno na mejling listu mreže ([posta@omladina-bih.net](mailto:posta@omladina-bih.net)), ali i na druge adrese u Bosni i Hercegovini i regiji distribuirali informacije interesantne za mlade i omladinski aktivizam u BiH (pozivi na radionice, seminare, konferencije, pozivi za projektne aplikacije, poslovi, školarine, ostale aktivnosti), održavali i redovno dopunjavali informacije na našoj web stranici [www.omladina-bih.net](http://www.omladina-bih.net), slali informacije koje smo dobili od omladinskih organizacija i pojedinaca iz mreže prema vani (međunarodnim organizacijama, organizacijama u regionu, donatorima), vršili korespondenciju sa organizacijama i pojedincima zainteresovanim za rad mreže, odgovarali na upite vezane za određene aktivnosti, edukacije i ostale informacije vezane za aktivizam mladih u BiH.

## **PLANOVI HCA/ORC-A ZA FEBRUAR 2015.**

- Presentacija istraživanja maloljetničkog i nasilja u školama, u okviru projekta „*Prekogranična građanska mreža za mir, pomirenja i sigurnost ljudi*“, koji je podržan od strane Evropske Komisije.
- Sprovođenje redovnih aktivnosti kroz Omladinsku mrežu BiH.
- Pripreme za nastavak aktivnosti u okviru Prekogranične građanske mreže za mir, pomirenje i sigurnost ljudi, te sprovođenje planiranih aktivnosti u ALF mreži BiH.

**Više informacija na našoj web stranici: [www.omladina-bih.net](http://www.omladina-bih.net)**

## AKTIVNOSTI ČLANICA OMLADINSKE MREŽE BIH



### OMLADINSKA ORGANIZACIJA "SVITAC"

Jusufa Čampare bb, 76 100 Brčko Distrikt

Tel./Fax: 049 211 032

Email: [svitac@teol.net](mailto:svitac@teol.net)

Web: [www.svitac.org](http://www.svitac.org)

FB: [www.facebook.com/omladinska.svitac](https://www.facebook.com/omladinska.svitac)

#### ✚ Kreativne radionice

Kreativne radionice su nastavljene u januaru. Učesnici su uglavnom radili na temi zimske radosti, tako što su crtali akvarelnim i drvenim bojama ili pravili Snješka Bijelića od vate i papira u bojama. Radionice se održavaju od 12:00-14:00 u Omladinskom centru Brčko Distrikt. Koordinator radionica su EVS i Weltwaerts međunarodni volonteri Tamara Wonner i Nicolas Zdun iz Njemačke, i John Streatfield iz Velike Britanije. Trenutno ima 15 učesnika uzrasta 7-12 godina.

#### ✚ Jezičke radionice

Kursevi engleskog i njemačkog jezika su nastavljene u januaru. 30 studenata trenutno pohađa ove kurseve i podijeljeni su u tri grupe. Svaka grupa ima dva časa sedmično u trajanju od sat i po, a časovi se održavaju u prostorijama Omladinske organizacije Svitac i Omladinskom centru Brčko distrikta. Starost studenata je od 8 do 35 godina.



#### ✚ Radionica engleskog jezika „I love English“

Interaktivne radionice engleskog jezika su nastavljene i u januaru. Učesnici su vježbali izgovor i neformalnu konverzaciju, vježbali su narudžbe u restoranu ili kupovinu u trgovini. Koordinator radionica je EVS međunarodni volonter iz Velike Britanije, John Streatfield. Radionice se održavaju ponedjeljom i srijedom u terminu od 19:00-20:00 u Omladinskom centru Brčko Distrikt. Trenutno ima 20 učesnika, uzrasta 15+.

#### ✚ ŠTA IMA?! ( SPRECHEN-THEMEN- ARGUMENTIEREN) - Radionice njemačkog jezika

Interaktivne radionice njemačkog jezika su nastavljene sa uspjehom i u januaru. Radionice su dosta popularne, jer su besplatne, ali su takođe dobro ispalnirane, i za one koji zaista žele nešto da nauče su od velike koristi. Trenutno ima 20 polaznika, uzrasta 18+. Radionice se održavaju u Omladinskom centru, ponedjeljom i srijedom od 20:00-21:00 časova. Koordinator radionica su međunarodni volonteri iz Njemačke Nicolas Zdun i Tamara Wonner.

#### ✚ Sportske radionice

Sportske radionice se održavaju tru puta sedmično. Broj učesnika varira i do 40, uzrasta 6+. Kako su učenici oduševljenim sportskim radionicama, uvijek se nađe dodatna zabava sa loptom ili jednostavno uživanje u timskim igrama. Koordinator sportskih radionica je Nicolas Zdun, međunarodni volonter iz Njemačke.

## + Grafička novela



Grafička novela je projekat, započet krajem novembra, čija je realizacija trajala 8 sedmica. 42 mlade osobe su bile uključene u ovaj projekat. Cilj projekta je bio da učesnici nauče raditi na crtanom stripu i uz to napišu i svoju životnu priču. Nakon implementacije projekta održana je izložba radova 30.01.2015.

Koordinator projekta je bio profesor likovnih umjetnosti, Vladimir Tomić, a sve radionice su se održavale ponedjeljkom, utorkom i četvrtkom od 19:00-21:00 časova u Omladinskom centru Brčko distrikta.

Više na linku:

<https://www.facebook.com/media/set/?set=a.678257162273246.1073741894.313657268733239&type=3>

## + Radionice gitare

U januaru učesnici su nastavili rad kako na starim tako i na novim vježbama, duetima, etidama i kompozicijama.

## + Radionice sambe

Radionice samba udaraljki bile su slabije posjećene u januaru u odnosu na prošli mjesec zbog mnogobrojnih praznika. U narednom periodu planirano je da se ova radionica reklamira i na taj način okupi veći broj mladih ljudi.

## + Priznanje za rad

Na tradicionalnom novogodišnjem prijemu koji su 29.12. 2014. priredili gradonačelnik Brčko distrikta BiH, dr. Anto Dović i predsjednik Skupštine, Đorđa Kojić, gradonačelnik Brčkog uručio je zahvalnice nevladinim organizacijama i udruženjima za iskazanu humanost, solidarnost i pomoć u vrijeme poplava tokom 2014. godine.

Iste su dodijeljene predstavnicima humanitarnih organizacija: Kolo srpskih sestara „Majka Jevrosima“, „Caritas“ Vrhbosanske nadbiskupije i „Merhamet“ Brčko, potom Udruženju sportskih ribolovaca „Ravne Tinja“, Donja Skakava, Profesionalnoj vatrogasnoj brigadi Tuzla, Omladinskom klubu Dubrave, Ekološkom udruženju „Dar prirode“ Brka, Spasilačkoj službi „WOLF“ Foča, Omladinskom klubu Brka, Ribolovnom savezu Brčko distrikta BiH, Omladinskom centru „Vermont“, Omladinskoj organizaciji „Svitac“ i Omladinskom klubu Ivici.



Za februar se planira nastavak svih redovnih radionica Omladinske organizacije Svitac.



## INSTITUT ZA RAZVOJ MLADIH KULT

Ul. 4. viteške brigade 34-36 BA, 71 210 Ilidža, Sarajevo

E-mail: [kult@mladi.org](mailto:kult@mladi.org)

Tel.: 033 778 778; fax: 033 778 779

Web: [www.mladi.org](http://www.mladi.org)

### ✚ Samoodržive inicijative stanovnika poplavljenih područja BiH

Institut za razvoj mladih KULT je 9. januara 2015. g. s gđom Sabirom Bilić potpisao ugovor o dodjeli granta kao vid donacije za obnavljanje preduzetničkog poduhvata, kojim se bavila i prije stradanja u poplavama iz 2014. g., a to je uzgoj gljiva. „Uvjerena sam da se od proizvodnje gljiva može solidno živjeti jer sam se i do sada amaterski bavila gljivarstvom, dok ću sada uz pomoć Instituta moći značajno poboljšati svoj rad i prinos.“ – izjavila je gđa Bilić.

Porodice iz poplavljenih područja Bosne i Hercegovine još se bore za preživljavanje. Humanitarna pomoć bila je nužna u najtežim vremenima neposredno nakon poplava. Institut za razvoj mladih KULT je tokom majskih poplava kroz akciju „NE SMIJEMO STATI“ pružao direktnu pomoć ljudima iz poplavljenih područja u Bosni i Hercegovini. Naša vizija je primarno pomoći ljudima iz poplavljenih područja, ali ne samo kroz humanitarnu pomoć nego osiguravajući da naša podrška bude održiva.



„Naša pomoć je trenutno fokusirana na porodicu Bilić iz Maglaja u kojoj smo prepoznali preduzetnički potencijal i mislimo da kroz našu pomoć, a ne samo kroz sredstva nego i savjetodavnu pomoć, možemo porodici Bilić pomoći da osiguraju značajan izvor sredstava u budućnosti, te se nadamo da ćemo u daljnjem periodu osigurati i sredstva za dodatne poticaje“, istakao je Jasmin Bešić, direktor Instituta.

### ✚ Haris Topalović, omladinski lider

Institut za razvoj mladih KULT u decembru 2014. g. organizirao je interno nagradno takmičenje za omladinske lidere/ice koji su završili obuku „Uči, misli i djeluj!“. Jednu nagradu osvojio je i Haris Topalović, dugogodišnji aktivista i omladinski lider Instituta. Nagradu mu je uručio Jasmin Bešić, izvršni direktor Instituta.



„Uči, misli i djeluj, jednoipogodišnja obuka za omladinske lidere/ice, za nekog obična obuka, druženje, putovanje, a za mene prekretnica u životu. Već tada sam znao da želim da radim za bolju i prosperitetniju svoju, a i budućnost drugih, ali nisam znao kako i na koji način. Odgovore na ova i slična pitanja dobio sam na obuci koja mlade ljude uči kako volontirati, lobirati, javno zagovarati, biti timski igrač, kako ojačati, izgraditi samopouzdanje, kako se suočiti, a ne bježati od problema i ono najvažnije, vjerovati da se trud, rad i zalaganje uvijek isplate. Može zvučati nestvarno, ali UMiD učini da vjeruješ drugačije.“ – rekao je Haris.

## ✚ Općina Orašje će se uključiti u program sufinansiranja omladinskih start up biznisa

Institut za razvoj mladih KULT provodi aktivnosti u sklopu inicijative Omladinski start-up biznisi, namijenjene smanjenju nezaposlenosti mladih, uvođenjem institucionalnih mehanizama podrške mladih preduzetnicima, uključujući finansijsku i savjetodavnu pomoć. U proteklom periodu finansirano je 9 omladinskih start up biznisa, a još pet lokalnih zajednica je raspisalo javni poziv na osnovu kojih će biti finansirano više od 20 start up biznisa.



Radi uspješnih procesa koji se odvijaju na području općine Orašje, inicijative Vijeća mladih općine Orašje, pomoću koje će biti finansirana 3 omladinska start up biznisa, predstavnice Instituta su održale sastanak s načelnikom Općine Orašje, gosp. Đurom Topićem. Načelnik, kao i službenik za pitanja mladih Općine Orašje upoznati su s programom, ciljevima, dosadašnjim uspjesima. Na sastanku se govorilo o programima koje razvija Općina, planiranim sredstvima za 2015. godinu i problemima s kojima se susreću mladi u Orašju.


Općina Orašje je pokazala veliku zainteresovanost i spremnost da odgovori gdje god je to moguće kako bi se položaj mladih, posebno nezaposlenih poboljšao i radi toga želju da se uključi u inicijativu Instituta. Nadamo se uspješnim rezultatima u narednom periodu. Aktivnost podržana u sklopu "Projekta zapošljavanja mladih" Švicarske vlade.

## ✚ U SPAJALICI održana edukativna radionica zaštite oralnog zdravlja djece

Zdravlje zuba i prevencija karijesa u ranoj dječjoj dobi je najznačajniji faktor oralnog zdravlja u kasnijoj životnoj dobi. Zbog toga je edukacija o održavanju pravilne oralne higijene, te edukacija o pravilnoj i zdravoj prehrani važni dio zdravstvenog odgoja djece. U Obrazovno-raznodnom centru za mlade SPAJALICA održana prva edukativna radionica za djecu mlađeg životnog uzrasta sa područja općine Ilidža u sklopu projekta „Škola prijateljstva“.

*„Primarna stomatološka zaštita nije uvedena u sistem i možemo reći da je potpuno izbrisana. Dobra volja nas zdravstvenih radnica i radnika jeste što mi sebi svake godine damo u zadatak da obiđemo učenike osnovnih škola kako bi izvršili detaljan pregled zuba naše djece.“*, istakla je dr. Sabiha Kapetanović.

Cilj edukativne radionice jeste da se unaprijedi znanje djece o rastu i razvoju zuba, zaštiti zuba, ali i razvijanja pozitivnog stava prema zdravstvenom odgoju, redovnoj posjeti stomatološkoj ordinaciji, razvijanju zdravog načina života i prehrane od rane životne dobi, te odgovornosti za svoje zdravlje i zdravlje u zajednici.



**"Škola prijateljstva"** je projekat Obrazovno raznodnog centra za mlade SPAJALICA koji traje već šest godina zahvaljujući nesebičnom radu volonterki i volontera Instituta za razvoj mladih KULT koji su spremni ugostiti sve zainteresirane djevojčice i dječake da se pridruže "Školi prijateljstva" i uživaju u aktivnostima koje Obrazovno raznodni centar za mlade SPAJALICA nudi.



**ERNADA AVDIBEGOVIĆ, član Omladinske mreže, pojedinac  
VIJEĆE MLADIH OPĆINE KLADANJ  
E-mail: [erna\\_begovic20@yahoo.com](mailto:erna_begovic20@yahoo.com)**

### **✚ USPJEŠNO PROVEDENA AKCIJA DOBROVOLJNOG DARIVANJA KRVI**

U organizaciji Crvenog križa općine Kladanj i Poliklinike za transfuziologiju UKC Tuzla, u sali Doma kulture Kladanj organizovana je redovna akcija dobrovoljnog darivanja krvi kojoj se odazvalo 97 lica, od kojih je 80 darovalo krv. Iz Poliklinike za transfuziologiju UKC Tuzla istakli su da su zadovoljni odzivom građana, posebno mladih ljudi.

*„Raduje me činjenica da se sve više građana sa područja općine Kladanj uključuje u akcije dobrovoljnog darivanja krvi, a koje mi na osnovu plana i programa rada redovno organizujemo.*

*Danas se akciji, pored lica koja su više puta darivali krv, odazvao i veliki broj lica koja dragocjenu tečnost daruju prvi put. Zahvaljujem se Općinskom vijeću, Općinskom načelniku, Općini Kladanj, predsjednicima Mjesnih zajednica, Informativno kulturnom centru i volonterima mjesnih organizacija Crvenog križa na podršci u realizaciji ove humane akcije“ - kazala je Asima Ramić, sekretar Crvenog križa Kladanj.*



Naredna akcija dobrovoljnog darivanja krvi bit će organizovana u MSS „Musa Ćazim Ćatić“ u Kladnju, 18.2.2015. godine.

### **✚ POLJOPRIVREDNI PROJEKTI**



U kabinetu Općinskog načelnika Jusufa Čavkunovića održan je sastanak 22.01.2015. na kojem su pored predstavnika općine Kladanj prisustvovali i predstavnici Zadružnog saveza Federacije BiH, Kantonalne privredne komore Tuzla, Poljoprivredne zadruge „Bebrava“ iz Kladnja, i strateškog partnera firme „Frutti-Fungi“ doo Visoko.

Na sastanku je razgovarano o perspektivi razvoja jagodičastog voća na području općine Kladanj i to kroz zadružni model organiziranja.

Načelnik općine Kladanj, Jusuf Čavkunović je istakao da je opredjeljenje općine Kladanj strateški razvoj poljoprivrede, a nezagađeno poljoprivredno zemljište treba da predstavlja prednost u razvoju poljoprivrede. Istakao je i da će općina Kladanj pružiti punu podršku svim aktivnostima koji vode ka zadružnom modelu organiziranja, a posebno ako su formirana od samih proizvođača.

Poslije sastanka predstavnici organizacije USAID i vanjski saradnik Poljoprivredno-prehrambenog fakulteta Univerziteta u Sarajevu, Adnan Maličević održali su predavanje na temu „Jagodičasto voće kao perspektiva razvoja regije Kladanj“ za koje je vladalo veliko interesovanje građana.

### ✚ **UDRUŽENJE „PROSVJETITELJ“ IZ SREBRENICE POSJETILO KLADANJ**

Krajem mjeseca decembra 2014. u organizaciji Udruženja Humanost na djelu "Birra" Kladanj, Udruženje "Prosvjetitelj" iz Srebrenice je posjetilo Kladanj i predstavilo svoj rad. "Prosvjetitelj" je osnovano u ratnim uvjetima u Srebrenici. Tokom cijelog svoga rada Udruženje je organiziralo različite vrste projekata: humanitarni projekti, projekti za edukaciju, projekti za promociju sporta i zdravog života, rad s omladinom. Udruženje pruža pomoć i organizira edukacije za povratnike u Podrinje o pokretanja biznisa sa posebnim naglaskom na poljoprivredu.

Ovom prilikom je Udruženje Humanost na djelu "Birra" Kladanj predstavilo također svoj rad u 2014. i planove za 2015. godinu.



### **ASOCIJACIJA SREDNJOŠKOLACA U BOSNI I HERCEGOVINI**

**Adresa: Mula Mustafe Bašeskije br. 7, 71 000 Sarajevo**

**Tel/fax: 033 205 850**

**e-mail: [asubih@yahoo.com](mailto:asubih@yahoo.com)**

**web: [www.asubih.ba](http://www.asubih.ba)**

### ✚ **EUFOR BiH u saradnji sa Asocijacijom srednjoškolaca u BiH - Realiziran „Youth Indoor Football CUP“**

**CIMIC**, kao dio austrijskog kontigenta u sklopu **EUFOR-ove** misije u našoj zemlji, u suradnji sa Asocijacijom srednjoškolaca u Bosni i Hercegovini, organizovao je malonogometni turnir pod nazivom "Youth Indoor Football Cup". Domaćini kvalifikacionih turnira su bili Sarajevo, Tuzla, Brčko i Bratunac. Ekipe koje su pobijedile na 4 kvalifikaciona turnira ostvarile su plasman na finalni turnir koji će se održati u Sarajevu.



Projekat je podržan od strane Raiffeisen Banke, a nagrada za pobjednika na finalnom turniru u Sarajevu je putovanje u Beč. Učesnici na turniru su dječaci rođeni u periodu od 1. januara 1998. godine do 31. decembra 2000. godine, koji čine jednu ekipu, a pored toga ekipe su bile multietničkog sastava u omjeru 1/3 naspram 2/3. Lokalni timovi ASuBiH-a u Sarajevu, Tuzli i Brčkom su se potrudili da ovaj događaj prođe u najboljem redu, ali i da se srednjoškolci zabave i korisno provedu svoje zadnje dane raspusta. Svoje snage na finalnom turniru omjeriti će ekipe: „Željo 98“ (Sarajevo), „JU Ekonomska škola Brčko“ (Brčko), SSC Bratunac (Bratunac) i „Behram-begova medresa - Katolički školski centar 'Sv. Franjo'" (Tuzla).



www.pronibrcko.ba

**PRONI CENTAR ZA OMLADINSKI RAZVOJ**

Mehmedagića 24, 76 100 Brčko distrikt BiH

Tel./Fax: 00 387 49 217 695

E-mail: [pronibrcko@teol.net](mailto:pronibrcko@teol.net)

[www.pronibrcko.ba](http://www.pronibrcko.ba)

### **✚ IZAZOV izaberi zadatak, budi promjena**

PRONI Centar je 18.01.2015. sa US Alumni BiH i Američkim kutkom Brčko obilježio dan Martin Luther Kinga Jr. radionicom "Imam san..." i na taj način se pridružio kampanji IZAZOV. Cilj je bio izazvati mlade ljude da podjele svoje ideje za bolje Brčko, a uskoro i novi izazovi.

"Izazov: Izaberi zadatak, budi promjena" je kampanja koja ima za cilj potaknuti sve građane Bosne i Hercegovine, a posebno mlade, da se angažiraju na projektima u zajednici tako što će donirati svoje vrijeme, resurse i/ili znanje radi ostvarivanja pozitivnih promjena u svojim zajednicama.

Obilježavajući 20 godina mira u BiH, cilj Izazova je da motivira 20,000 volontera da se u toku 2015. godine uključe u aktivnosti poboljšanja svojih zajednica.

Mogućnosti za volonterske akcije u zajednici su mnogostruke - od projekata očuvanja životne sredine i akcija čišćenja, pružanja pomoći ljudima kojima je pomoć potrebna, mentoringa, kulturnih i zabavnih aktivnosti, ili jednostavno pružanja ruke pomoći da svoju zajednicu učinite boljom.

Ambasada SAD u BiH će istaknuti izvanredan rad svih organizacija koje će učestvovati u Izazovu, na našoj Facebook stranici "Izazov: Izaberi zadatak, budi promjena", i pozvati predstavnike svih organizacija koje se priključe kampanji da nam se pridruže na polugodišnjoj proslavi volontera u junu 2015. godine, i/ili završnoj svečanosti u novembru 2015. godine.

### **✚ Održani info dani za mlade "Erasmus+"**

U Sarajevu je u organizaciji Ministarstva civilnih poslova BiH i Komisije za koordinaciju pitanja mladih u BiH, a u saradnji sa Kontakt tačkom Centra za omladinski razvoj PRONI iz Brčko distrikta, održan Info dan radi informiranja mladih o mogućnostima programa Erasmus+.



Erasmus+ je program koji obuhvata veliki broj aktivnosti i mogućnosti za mlade ljude iz cijele Evrope da kandidiraju projekte. U okviru programa Erasmus+, BiH mladima u području neformalnog obrazovanja nudi mogućnosti kao što su evropski volonterski servis, obuka, osposobljavanje i razmjena.

Pomoćnik ministra civilnih poslova BiH Adnan Husić podsjetio je da je 19. juna ove godine potpisan sporazum o

[www.omladina-bih.net](http://www.omladina-bih.net)



pristupanju BiH programu Erasmus+, čime je ispunjen jedan od prvih uvjeta za učešće u tom programu. Drugi uvjet bio je plaćanje ulazne karte za učešće u programu, što je Ministarstvo civilnih poslova odmah i uradilo. Info dani o program Erasmus+ održani su prethodno u Brčkom i Banja Luci. Planirano i održavanje info dana u Mostaru.

Program Evropske unije Erasmus+ namjenjen za obrazovanje, obuku, mlade i sport za period 2014.-2020. godina, koji je objedinio ranije programe u tim oblastima, sa ukupnim budžetom od 14,7 milijardi eura, od čega je za projekte koji se tiču mladih predviđeno 1,47 milijardi eura. Program putem projekata podržava omladinski rad, neformalno obrazovanje, edukaciju, obuku, međunarodnu saradnju, volontiranje i mobilnost mladih.



**H.O. Muslimansko dobrotvorno društvo - MERHAMET DOBOJ**

**Kralja Aleksandra 17, 74 000 Doboj**

**Tel./fax: 053 226 886**

**E-mail: merhamet.doboj@cutuk.net**

**Web: [www.ngo.ba](http://www.ngo.ba); [www.facebook.com/Merhamet-Doboj](https://www.facebook.com/Merhamet-Doboj)**

#### **✚ AKTIVNOSTI H.O. „MERHAMET- a“ DOBOJ U JANUARU 2015. GODINE**

- Predsjednica „Merhameta“ Doboj Avdić Faketa i volonterka Senada Mujdžić u posjeti bolesnoj članici (100 % invalid) "Merhameta" Doboj Ameli Dubravac. Tom prilikom uručena je novčana i humanitarna pomoć.
- Predsjednica "Merhameta" Doboj Avdić Faketa i medicinska sestra Mehičić Zlata u posjeti starim i bolesnim: Karamehić Šefiki i Mahmutagić Asimu.
- Volonterka Mirnesa Bećirodobašić i članice "Merhameta" Doboj, Asmira Omerčić i Elma Ahmić pohađale obuku-grafički dizajn koju je organizovala NVO "Europlus" Doboj.




- Volonterke "Merhameta" Doboj Amra Mišić i Suzana Ristić pohađale obuku iz preduzetništva koju je organizovala NVO "Europlus" Doboj, 17. i 18. januara u hotelu Integra Doboj.
- Tokom mjeseca novembra i decembra 2014. godine H.O."Merhamet" Doboj je implementirao projekat „Svijet kreativnosti i dizajna“ - donator "BH TELECOM". Projektom su predviđeni časovi učenja engleskog jezika. Asistent na projektu Mirnesa Bećirodobašić je vodila evidenciju o rasporedu i radu polaznika obuke. Trenerica je bila Admira Mahmutović.

- Vrijedne volonterke "Merhameta" Doboj Amra Mišić i Suzana Ristić rade na pripremi projekta razmjenjujući ideje sa obuke iz preduzetništva. Predsjednica "Merhameta" Doboj, Avdić Faketa daje dodatne upute i nadgleda da li se pisanje projekta odvija u željenom smjeru.



- Volonterka "Merhameta" Doboj Mirnesa Bećirodobašić vrši evidenciju članova.
- H.O."Merhamet" Doboj su 21.01.2015 godine posjetili novinari portala "Mondo.ba" iz Banja Luke. Tom prilikom intervjuirali su predsjednicu "Merhameta" Doboj, Avdić Faketu o životu u Doboju nakon katastrofalne poplave.
- Predsjednica "Merhameta" Doboj Avdić Faketa uručila novčanu pomoć za liječenje Avdić Halima iz Sjenine, petnaestogodišnjeg dječaka oboljelog od leukemije.



- Podjela humanitarne pomoći za članove "Merhameta" Doboj.
- Predstavnici organizacije "MEDICAMENTS SOLIDARIS" iz Španije u posjeti H.O."Merhametu" Doboj.

Svakodnevne aktivnosti „Merhamet-a“ Doboj tokom mjeseca januara obuhvatale su:

- Praćenje javnih poziva za projekte,
- Podjela humanitarne pomoći,
- Pružanje informacija starim i bolesnim,
- Rad ambulante.





**H.O. „ČISTO SRCE“ PRIJEDOR**  
**Žarka Zgonjanina 19, 79 101 Prijedor**  
**Tel: 065 019 499**  
**E-mail: cisto.srce@yahoo.com**

### **✚ PODJELA PAKETIĆA**

31.12.2014. Organizacija Čisto srce podijelila je oko 40 novogodišnjih paketića za djecu iz socijalno ugroženih porodica. Mališani su po paketiće došli u prostorije organizacije, a neki od njih su prvi put vidjeli Deda Mraza koji je nasmijavao i djecu i roditelje.

Slatkiši za paketiće su skupljani po marketima i tržnim centrima, u kojoj je učestvovalo nekoliko organizacija iz Prijedora, kao i veliki broj volontera. Učenici i nastavnici Ugostiteljsko – ekonomske škole su samoinicijativno skupljali slatkiše i pravili paketiće, koje su donirali Čistom srcu i djeci socijalno ugroženih porodica.



### **✚ INKLUZIVNO PREDUZETNIŠTVO**

Tokom decembra i januara članovi organizacije Čisto srce uzeli su učešće u takmičenju za najbolju preduzetničku ideju u okviru projekta „Inkluzivno preduzetništvo“ u realizaciji Fondacije Zajednički put.

Bilo je oformljeno nekoliko grupa koje su predstavljale različite ideje, a najbolji plasman imala je grupa koja je predstavljala ideju Organizacije Čisto srce "Izrada i restauracija namještaja reciklažom i sekundarnih sirovina".

Ova grupa osvojila je drugo mjesto na takmičenju i dobila priliku da uredi prostoriju koja danas služi kao Zaštitna radionica za predstavljanje i prodaju proizvoda koji su proizašli iz projekta „Inkluzivno preduzetništvo“.



### **✚ JAČANJE KAPACITETA**

U mjesecu januaru organizacija Čisto srce je radila na jačanju vlastitih kapaciteta, te su volonteri imali priliku da prođu kroz set radionica team building-a, aktivizma, te projektnog menadžmenta.

Treninzi će biti nastavljeni i u toku mjeseca februara a oni volonteri koji pokažu najbolje rezultate imaće priliku da idu na trening za trenere (vršnjačke edukatore).



## NOVI ČLANOVI



### FONDACIJA ZA DRUŠTVENO-EKONOMSKI RAZVOJ 787

Gornja Breka 69, 71 000 Sarajevo

Tel./fax: 061 572 991

E-mail: [info@fondacija787.ba](mailto:info@fondacija787.ba); [dajana.dzindo@fondacija787.ba](mailto:dajana.dzindo@fondacija787.ba)

Web: [www.fondacija787.ba](http://www.fondacija787.ba);

FB: [www.facebook.com/fondacija787](http://www.facebook.com/fondacija787)

### + ISTORIJAT FONDACIJE 787

Fondacija 787 je nevladina, nepolitička i neprofitna organizacija registrovana u augustu 2014. godine pri Ministarstvu pravde Bosne i Hercegovine. Nastala je iz potrebe da se unaprijedi društveno-ekonomski status žena i mladih koji se na dnevnom nivou suočavaju sa raznim oblicima diskriminacije, te nizom prepreka koje ih onemogućavaju da iskoriste svoje potencijale i ostvare pozitivan uticaj na svoje okruženje. Kao zajednički nazivnik problema sa kojima se suočavaju ove skupine Fondacija 787 prepoznaje izrazitu ekonomsku nemoć iz koje proizilaze razni oblici nemogućnosti izbora.

Fondacija vidi značajan dio rješenja navedenog problema u efikasnom ekonomskom osnaživanju žena i mladih, odnosno konkretno u klasičnom, ali i socijalnom poduzetništvu. Stoga je misija Fondacije da osposobljava žene i mlade u Bosni i Hercegovini da stvaraju i iskorištavaju primarno ekonomske, a potom i druge prilike kako bi unaprijedili kvalitet svojih života, te povećali svoj uticaj u društvu. Društvo u kojem su žene i mladi punopravni, ekonomski neovisni i društveno-odgovorni akteri naša je vizija.



### Aktivnosti putem kojih planiramo da realizujemo svoje strateške ciljeve i misiju su:

1. **Pružanje relevantnih informacija** koje će pomoći ženama i mladima da iskoriste ekonomske mogućnosti i unaprijede svoj društveno-ekonomski status
2. Organizovanje **programa za izgradnju kapaciteta** žena i mladih kako bi ih opskrbili znanjima, vještinama i stavovima neophodnim za postizanje ekonomske neovisnosti i širenje pozitivnog uticaja u lokalnim zajednicama
3. Pružanje usluga **savjetovanja, asistencije i pristupa tehnologijama** kako bi se žene i mladi lakše odlučili na pokretanje ili proširenje vlastitog biznisa
4. Uspostavljanje bosanskohercegovačke **mreže poduzetnica i mladih poduzetnika** s ciljem jačanja poduzetničke kulture i pospješivanja poduzetničkih aktivnosti
5. **Promovisanje poduzetničke kulture** s ciljem mijenjanja ustaljenih normi koje jačaju tradicionalno dodijeljene uloge ženama i mladima
6. **Izrada i zagovaranje rodno i dobno osjetljivih javnih politika** usmjerenih na stvaranje poticajnog društveno-ekonomskog okruženja

**Fondacija okuplja mlade profesionalce koji imaju dugogodišnje iskustvo rada u obrazovnim, nevladinim i međunarodnim organizacijama.**

## INFORMACIJE / DONATORI / POZIVI

### 1. PRIPRAVNIČKI PROGRAM BEST OF SOUTH-EAST

Steiermärkische Sparkasse banka u saradnji sa Univerzitetom u Gracu najavljuje program za stažiranje “Best of South-East”, čiji je cilj unaprjeđenje i dalji program edukacije za talentovane i posvećene diplomce i učenike iz Slovenije, Hrvatske, Bosne i Hercegovine, Srbije, Crne Gore i Makedonije.

Rok za prijavu je **6. mart 2015.** godine, a mogu se prijaviti studenti prava ili ekonomije. Program pokriva troškove kursa jezika i smještaja i nudi mjesečnu platu od 420 eura.

#### Postoje dvije opcije programa koji traju godinu dana (od septembra do avgusta):

- Diplomiranim studentima koji učestvuju u “Best of South-East” pripravničkom programu će takođe biti pružena mogućnost proširenja znanja stranog jezika pored njihove jednogodišnje obuke u Steiermärkische Sparkasse Bank ili u drugom Štajerskom biznisu, kao i pohađanje odabranih kurseva. Posljednjih mjesec dana pripravničkog programa biće završeno u jednoj od lokacija u Jugoistočnoj Evropi. Polaznici izabrani za program moraju završiti najmanje 16 ECTS kredita (evropski sistem prenosa i akumulacije bodova) / akademsku godinu na Univerzitetu u Gracu.

- Studentima koji učestvuju u “Best of South -East” programu prakse i koji su na posljednjoj trećini studija, pružiće se mogućnost, tokom jednogodišnjeg boravka u Gracu, uzimanja kurseva relevantnih za završetak studija na njihovom univerzitetu. Dvomjesečno stažiranje na ljeto nakon završetka školske godine dobija učesnik snažno uključen u svakodnevno poslovanje Steiermärkische Sparkasse banke u jednoj od svojih lokacija u Štajerskoj ili u Jugoistočnoj Evropi. Kandidati izabrani za program stažiranja moraju završiti minimum 30 ECTS kredita / akademsku godinu na Univerzitetu u Gracu.

#### Zainteresovani kandidat treba da ispuni sljedeće minimalne zahtjeve:

- Vrlo dobro poznavanje engleskog jezika i dobre vještine u njemačkom jeziku
- Visoki nivo pismenosti u maternjem jeziku
- Visoki stepen u ekonomiji ili pravu sa veoma dobrim ocjenama
- Posvećenost, jake komunikacijske vještine, fleksibilnost, analitička i praktična ekonomska razmišljanja.

#### Apliciranje za program je proces u dva koraka:

- Online prijava
- Predaja dokumenata putem pošte.

Da primite kod za online aplikaciju kontaktirajte: [christa.grassauer@uni-graz.at](mailto:christa.grassauer@uni-graz.at).

Za sve dodatne informacije posjetite ovaj [link](#).

Izvor: <http://mladi.info/index.php?type=1&a=posao&id=6893>

## 2. MASTER STIPENDIJE U MAĐARSKOJ

Mađarska Vlada u akademskoj 2015./2016. godini nudi jedinstvenu priliku za pohađanje master studija u Mađarskoj.

Svi zainteresovani kandidati mogu da konkurišu za stipendije u oblastima:

- ishrane životinja i bezbjednosti hrane
- zaštite biljaka
- ruralnog razvoja i agrobiznisa

Stipendija pokriva troškove školarine, smještaja, neophodne literature za školovanje kao i određene dnevnice.

### Kriterijumi za odabir kandidata su:

- državljanstvo i stanovanje u jednoj od podobnih država (BiH se nalazi na listi),
- akademska dostignuća,
- poznavanje engleskog jezika,
- motivacija,
- dobro zdravlje,
- godine(kandidati ispod 30 godina starosti su poželjni).

Sve troškove snosi Mađarska Vlada, a primljeni kandidati će imati i obezbijeđeno zdravstveno osiguranje, isto koje imaju i mađarski studenti.

Zainteresovani mladi se mogu prijaviti putem mejla koji mora sadržati sljedeće podatke:

- aplikacionu formu,
- CV,
- kopiju diplome iz srednje škole i kopiju diplome sa fakulteta,
- kopiju sertifikata koji dokazuje znanje engleskog jezika,
- kopiju stranica pasoša koje pokazuju datum važenja i broj pasoša,
- pismo preporuke,
- motivaciono pismo,
- zdravstveni karton,
- potvrdu da nisu ranije osuđivani izdatu od strane nadležnog MUP organa.

**Prijava se šalje na [REU-Scholarship@fao.org](mailto:REU-Scholarship@fao.org) do 28. februara 2015. godine.**

Dodatne informacije možete pronaći **u prilogu.**

Izvor: <http://mladi.info/index.php?type=1&a=stipendija&id=6920>

## 3. OAK FOUNDATION: GRANT ZA ZAŠTITU OKOLIŠA / KLIMATSKE PROMJENE

**Rok za prijavu:** tokom cijele godine

The Oak Fondacija prihvata aplikacije organizacija koje se bave pitanjima okoliša i klime. Minimalni zahtjev za grant projekata može biti 25.000 USD. Fondacija finansira organizacije civilnog društva koje se bave pitanjima globalne, socijalne i ekološke zabrinutosti. Fondacija ima godišnji Grant odluka budžet od preko 150 miliona dolara.

## Kategorija

1. Klima
2. Okoliš

## Principi finansiranja - Projekti koji:

1. Ciljaju uzroke problema,
2. Da li se mogu ponoviti unutar sektora ili na širim geografskim područjima,
3. Uključuju planove za dugoročnu održivost,
4. Da li je osigurano sufinansiranje,
5. Težite da sarađuje sa organizacijama sličnih afiniteta,
6. Vrijednost učešća ljudi (uključujući djecu) kao i zajednica.

## Podobnost

- Pojedinci koji traže stipendije ili školarine kao pomoć za dodiplomski ili postdiplomski studij ne mogu aplicirati.
- Vjerske organizacije za vjerske svrhe, predizborne kampanje ili opšte pogone za prikupljanje sredstava ne mogu se prijaviti.
- Osim u posebnim okolnostima, temelj ne finansira inicijative ispod USD 25.000.

## Kako aplicirati?

Oak Foundation općenito prihvaća prijedloge putem podnesenog zahtjeva od strane programa, međutim upiti se mogu slati cijele godine. To obično traje dva mjeseca do devet mjeseci od podnošenja upita do konačnog odobrenja.

## Izvor:

[http://civilnodrustvo.ba/vijesti/oak\\_foundation\\_grant\\_za\\_zastitu\\_okolisa\\_klimatske\\_promjene.html](http://civilnodrustvo.ba/vijesti/oak_foundation_grant_za_zastitu_okolisa_klimatske_promjene.html)

## 4. IN FONDACIJA POZIV ZA DOSTAVU PRIJEDLOGA PROJEKATA

In fondacija objavljuje javni poziv za NVO registrovane u BiH, koje imaju znanja i iskustva u sprovođenju aktivnosti na polju nasilja da pripreme projektne prijedloge usmjerene na temu: "Gnijezdo – dnevni centri za djecu u riziku". Glavni cilj ovog programa je da se obezbijedi adekvatan odgovor na ovaj rastući društveni problem u BiH. Nadamo se da će prekidanje kruga nasilja u životima djece u BiH doprinijeti smanjenju zlostavljanja i zanemarivanja djece, kao i smanjenju rizika da djeca, kad porastu, postanu žrtve nasilja ili nasilnici.

Stoga, In fondacija objavljuje javni poziv za NVO registrovane u BiH, koje imaju znanja i iskustva u sprovođenju aktivnosti sa djecom i mladima, da pripreme projektne prijedloge usmjerene ka pružanju podrške djeci koja dolaze iz porodica sa višestrukim problemima.

Projektne prijedlozi bi trebali biti fokusirani na uspostavljanje i vođenje održivih dnevnih centara u manjim mjestima u BiH. Cilj ovih intervencija će biti osiguravanje programa kroz preventivne aktivnosti i stalne mjere podrške koji u svom fokusu imaju pružanje podrške i osnaživanje djece pod rizikom, sa ciljem da lakše prevaziđu teške situacije sa kojima se svakodnevno susreću u svom životu.

Metodologija rada i pristup u radu treba da budu prilagođene ciljnoj grupi, da doprinose pružanju visoko-kvalitetne podrške djeci koja dolaze iz porodica sa višestrukim problemima u BiH. Za više informacija preuzmite Priručnik – Kako uspostaviti i voditi centar za djecu koja dolaze iz porodica sa višestrukim problemima - **Priručnik\_Kako uspostaviti i voditi Centar.**

Mobilizacija volontera, promocija aktivnog učešća korisničkih grupa i spremnost lokalne zajednice da pomaže i podržava uspostavljanje i vođenje centara trebaju biti ključne komponente projekta. Predloženi budžet trebao bi se kretati od 20.000-25.000 Eura, uključujući opremu, aktivnosti i tekuće troškove centra, za period od godinu dana. Vlastiti doprinos organizacije koja aplicira ili doprinos iz drugih izvora, kao što je npr. doprinos lokalne zajednice, je prednost i uzeće se u obzir prilikom razmatranja budžeta i tokom procesa odabira aplikacija. Trajanje projekta, u zavisnosti od projektnih aktivnosti, treba biti 12 mjeseci. Međutim, u slučaju pozitivnog rezultata, produžetak projekta će biti moguć, ali maksimalno u trajanju do tri godine. Tokom ove tri godine trajanja projekta, aplikant je obavezan da radi na osiguravanju finansijske održivosti u saradnji sa predstavnicima lokalnih ili kantonalnih vlasti u BiH.

**Kriterij odabira:** Savjetodavna komisija In fondacije će vršiti odabir prijedloga projekata na osnovu slijedećih kriterija:

- iskustvo u radu na tematskom polju i sa ciljnom grupom, uključujući kapacitet organizacije da organizuje i vodi centre za djecu pod rizikom,
- iskustvo u participacijskom pristupu u okviru projekata koji uključuju djecu,
- podobnost,
- relevantnost,
- motivacija, kapacitet i iskustvo,
- kapacitet da ostvari podršku lokalne zajednice,
- predložene aktivnosti i metodologija,
- predloženi budžet.

Sve dodatne informacije, poput obrazaca za prijavu, uključujući i listu obaveznih popratnih dokumenata, kao i informacije o kriterijima za finansiranje, možete naći na našoj web stranici:

<http://www.infondacija.org/kriteriji-za-finansiranje>.

Poziv za prijavu otvara se 15. decembra 2014. Krajnji rok za dostavljanje vaših aplikacija je ponedjeljak, **16. februar 2015.** do 12.00 časova, poštom, na adresu našeg poštanskog pretinca, kao što je naznačeno u našem obrascu za prijavu In fondacija  
P.P. 45, 78102 Banja Luka, Tel/fax: 051 464 460; 462 613 email:info@infondacija.org

**U obrascu za prijavu obavezno navesti broj poziva Ref.br. INFNC1/2015.**

**Website: [www.infondacija.org](http://www.infondacija.org); Facebook: [www.facebook.com/infondacija](http://www.facebook.com/infondacija)**

## **5. THE PEACENEXUS FUND – NEW ORGANISATIONAL DEVELOPMENT CALL 2015**

PeaceNexus (<http://peacenexus.org/>) pokreće svoj drugi organizacijski razvojni poziv za podnošenje prijedloga. Kroz male grantove i podršku procesu, PeaceNexus nastoji omogućiti izgradnju NVOa koji se bave izgradnjom mira da bolje upravljaju svojim organizacionih procesa. Poziv je otvoren za nevladine organizacije sa eksplicitan mandat mira koji posluju na međunarodnom (u najmanje pet zemalja) i lokalnim organizacijama koje djeluju u zapadnoj Africi i na Balkanu - provjerite listu zemlji i pronađite koncept note i postupci primjene ovdje:

<http://peacenexus.org/supporting-ngos/building-organisational-capacities/grants-od-2015/>

**Rok za poziv je 11. februar 2015., <http://internationalpeaceandconflict.org>.**

Dragi prijatelji,

Ukoliko ste zainteresovani da se u mjesečnom informativnom biltenu Omladinskog resursnog centra (ORC) Tuzla i Omladinske mreže Bosne i Hercegovine objave: vaši pozivi za zajedničke aktivnosti i saradnju, informacije o aktivnosti, konkursi za radna mjesta, apeli za pomoć ili podršku, saopštenja za javnost i svi drugi nekomercijalni oglasi, možete se javiti na jednu od dole navedenih adresa.

**Rok za dostavljanje informacija za svako naredno izdanje je 30.-ti u mjesecu.**

WEB Stranica Mreže:

sCh design

Webmaster:

Emir Delalić-Zeko -  
Tuzla

emir.delalic@gmail.com

web: [www.omladina-bih.net](http://www.omladina-bih.net)

mejling lista Mreže:

[posta@omladina-bih.net](mailto:posta@omladina-bih.net)

Adrese za slanje vaših informacija za mjesečni bilten:

[hcatuzla@bih.net.ba](mailto:hcatuzla@bih.net.ba); [orctuzla@bih.net.ba](mailto:orctuzla@bih.net.ba)

fax: 035 258 077

Omladinski resursni centar Tuzla

Hadži Bakirbega Tuzlića 1,

75000 Tuzla

tel / fax: 035 258 077

e-mail: [orctuzla@bih.net.ba](mailto:orctuzla@bih.net.ba)

[hcatuzla@bih.net.ba](mailto:hcatuzla@bih.net.ba)

**Mjesečni bilten uređuje Omladinski resursni centar - ORC Tuzla**